

卷首·唐宋御书、赐诗

唐僖宗旌表义门陈氏诏

皇帝诏曰：朕自临御以来，嘉惠元元务期俗，渐雍熙治臻淳古尔，江州陈氏，行敦孝弟，法备劝惩，数世同居，怨尤不宿，一堂聚食，亲逊可风有司以闻，朕甚嘉之，是用覃恩特加旌奖，尚其益笃兹爱风感乡邦，毋负朕意。

乾符元年甲午七月 日

南唐敕建义门诏

皇帝诏曰：浑噩洽雍熙之化，孝弟绝悖逆之端，惟奕叶懋纘承之，光斯箕裘增绍述之，绪尔江州陈氏，庭除严肃，内外雍和，世绪历九传，居食犹共，户口添七百，慈爱不疏，异类尚征善义，朝廷岂靳宠褒兹用覃恩旌尔，建立义门，免其徭役，俾孝弟，食天家之报，而编氓识至性之良。

昇元元年戊戌七月 日

卷首·唐宋御书、赐诗

宋太宗贷义门陈兢粟诏

皇帝诏曰：发粟赈饥，乃救荒之政，奖德劝善尤异数之加，江州义门陈氏，累世淳良，全家孝义，在先世尝邀宠锡，至朕躬岂靳褒嘉，自今后其本州每岁给粟二千石，以资乏食尔，陈氏须仰体朕意，益励修为，为乡邻式朝廷旷典，不尔靳也，钦哉。

淳化元年庚寅四月 日

丁南湖曰，兢乃宜都王叔明之后，宜都一裔预以孝义相传，历随唐五季，以至赵宋，而子孙富盛，如此宜矣，史论曰，陈兢七百口同居，公也，公则无私，意治家之良法，纲目书，义门所以美，陈兢书，贷粟所以美，太宗也。

朱子云，自古称刑于之化，首推文王，然其序，易家人之后，必继以睽者，岂非以一家之内贤愚，杂处势难画一哉，江州同居十馀世共食者以数千计。尊卑内外何如其和也，昔人评千古奇遇，谓唐虞有君臣，成周有父子，陈蔡有师弟，吾亦曰，江州有兄弟矣，旌门贷粟宜哉。

卷首·唐宋御书、赐诗

唐僖宗赐广堂联

九重天上书声贵 千古人间义字香

宋太宗赐广堂联

三千餘口文章第 五百年来孝义家

宋真宗赐广堂联

庄分七十二州人间第一
义聚三千餘口天下无双

宋真宗赐匾

真良家

又赐书阁匾

忠孝世家

卷首·唐宋御书、赐诗

宋太宗赐匾

义门陈氏

学士黄山谷赠匾

忠孝世家

学士欧阳修赠匾

孝友可风

宋太宗赐诗

金门宴罢月如银 环珮声声出凤城
问到江南谁第一 咸称惟有义门陈

宋太宗赐江州陈氏诗

水阁山斋架碧虚 亭亭华表耀门闾
祖宗遗下林泉记 孙子相承孝义庐
原上鸬鹄常急难 庭前棠棣早邀誉
颍川郡派传千古 芳振江州绍有虞

卷首·唐宋御书、赐诗

宋仁神敕赐义门分庄诗

江州久著义门庄 庄上分庄岁月长
蒂固根深谁与并 珠辉玉朗敦同行
漫夸诗礼追邹鲁 须信簪缨赛谢王
子孙各知遵义范 永於舜德有重光

朱紫阳夫子赠诗

异类犹同食 群居共一门
唐朝无旧国 尚有九江陈

王公亿赠诗

闻说东佳院 名将阙里偕
生徒似东鲁 书籍胜西斋
组豆儒风盛 埙篪乐韵谐
门庭双桂茂 編集九流排
讲学褰纱帐 题诗上粉牌

卷首·唐宋御书、赐诗

荀陈传旧族 游夏结同侪
红实洲生橘 清阴市种槐
夜蟾穿户牖 清瀑泻岑崖
达客来千里 新恩出两阶
横经定何日 凭此寄幽怀

宋丞相李昉题寄义门陈氏山房诗

孝义冠乡閭 门多长者车
岁收千顷稻 家贮一楼书
待客开新酒 留僧煮嫩蔬
三公老且病 无暇访山居